

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU  
Broj: 065-0-SU-15-000102  
Sarajevo, 15.01.2015. godine.**

**PRAVILNIK  
O POSTUPKU DIREKTOG SPORAZUMA  
OPĆINSKI SUD U SARAJEVU  
SARAJEVO**

**Sarajevo, januar 2015. godine**

BOSNA I HERCEGOVINA  
FEDERACIJA BOSNE I HERCEGOVINE  
OPĆINSKI SUD U SARAJEVU  
Broj: 065-0-SU-15-000102  
Sarajevo, 15.01.2015.

Na osnovu člana 90. Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 18. Pravilnika o unutrašnjoj organizaciji i sistematizaciji radnih mjesta Općinskog suda u Sarajevu broj: 065-SU-0-13-003056 od 17.10.2013.godine, Predsjednica Općinskog suda u Sarajevu donosi

## P R A V I L N I K O POSTUPKU DIREKTOG SPORAZUMA

### Član 1.

(Predmet pravilnika)

1) Ovim Pravilnikom uređuju se uslovi i način provođenja postupka javne nabavke roba, usluga i radova putem Direktnog sporazuma iz člana 90. Zakona o javnim nabavkama Bosne i Hercegovine (u daljem tekstu: Zakon), u Općinskom sudu u Sarajevu (u daljem tekstu: Ugovorni organ).

### Član 2.

(Uslovi za primjenu Direktnog sporazuma)

- 1) Postupak Direktnog sporazuma se primjenjuje kada je procijenjena vrijednost istovrsnih roba, usluga i radova na godišnjem nivou, jednaka ili manja iznosa od 6.000,00 KM bez PDV-a.
- 2) Ugovorni organ može, putem Direktnog sporazuma, u toku jedne godine potrošiti do 6.000,00 KM bez PDV-a za isti predmet nabavke.
- 3) Ugovorni organ može započeti postupak javne nabavke roba, usluga i radova putem Direktnog sporazuma samo ukoliko je takva nabavka predviđena Planom nabavki ili kada Ugovorni organ donese posebnu Odluku o pokretanju Direktnog sporazuma koja mora sadržavati sve elemente predviđene članom 18. Zakona.

### Član 3.

(Principi dodjele Direktnog sporazuma)

- 1) Ugovorni organ provodi postupak Direktnog sporazuma poštujući Opće principe iz člana 3. Zakona.
- 2) Ugovorni organ ne može provesti postupak direktnog sporazuma sa namjerom da diskriminira ili favorizuje bilo kojeg ponuđača.
- 3) U provođenju postupka Ugovorni organ nastupa transparentno i jednako prema svim ponuđačima na način da osigura pravičnu i aktivnu konkurenciju, s ciljem najefikasnijeg korištenja javnih sredstava vezano za predmet nabavke i njegovom svrhom.

### Član 4.

(Početak postupka)

- 1) Procjenjivanje vrijednosti nabavke koja se dodjeljuje postupkom Direktnog sporazuma vrši se u skladu sa članom 15. Zakona
- 2) Procijenjena vrijednost mora biti važeća u trenutku kada Ugovorni organ zatraži prijedlog cijena od jednog ili više privrednih subjekata.

- 3) Nadležna služba ugovornog organa je dužna, prije pozivanja ponuđača za dostavljanje ponuda, izvršiti ispitivanje i provjeru odgovarajućeg tržišta roba, usluga ili radova u smislu njihovih cijena i karakteristika. Ispitivanje tržišta nadležna služba može izvršiti obavljanjem telefonskih razgovora sa pravnim i fizičkim licima užege ili širege područja, upotrebom interneta i elektronske pošte. ili informacije
- 4) Ugovorni organ može i ne mora formirati komisiju za provođenje postupka direktnog sporazuma.

#### Član 5.

##### (Izvršenje postupka)

- 1) Ugovorni organ ispituje tržište i traži pisani prijedlog cijene ili ponudu od najmanje tri subjekta koji obavljaju djelatnost koja je predmet javne nabavke.
- 2) U izuzetnim, opravdanim situacijama (npr. ukoliko na tržištu postoji manji broj ponuđača) ugovorni organ može tražiti pisani prijedlog cijene ili ponudu i od manjeg broja subjekata).
- 3) Zahtjev za prijedlog cijene ili ponude obuhvata detaljan opis roba, usluga ili radova koji su predmet nabavke uključujući i relevantne faktore poput količine, kvalitete, tehničkog opisa, estetskih i funkcionalnih zahtjeva, okolišnih osobina, mjesta i roka isporuke ili slično, a primjereno predmetu nabavke.
- 4) Nakon što primi prijedlog cijena ili ponudu od jednog ili više ponuđača, a prije zaključivanja Direktnog sporazuma, Ugovorni organ:
  - a) pregovara sa ponuđačem/ponuđačima o cijeni i/ili
  - b) prihvata prijedlog cijene ili ponudu jednog ponuđača i/ili
  - c) provodi drugu vrstu postupka definisan Zakonom

#### Član 6.

##### (Izbor ponuđača)

- 1) Ugovorni organ osigurava da dogovorena ili prihvaćena cijena ne bude viša od tržišnih cijena.
- 2) Ugovorni organ bira ponuđača na način koji jamči adekvatnu razmjenu vrijednosti za novac.
- 3) Kod odabira ponude na osnovu koje će biti dodijeljen ugovor, ugovorni organ treba uzeti u obzir faktore kao što su cijena, količina, kvalitet, tehnički opis, estetske i funkcionalne zahtjeve, karakteristike koje se odnose na okoliš, vrijeme i period isporuke.

#### Član 7.

##### (Zaključivanje Direktnog sporazuma)

- 1) Direktni sporazum smatra se zaključenim:
  - a) prilaganjem računa ili druge odgovarajuće dokumentacije za nabavku čija vrijednost iznosi do 1.000,00 KM bez PDV-a,
  - b) zaključivanjem ugovora u pisanoj formi za nabavke čija vrijednost iznosi više od 1.000,00 KM bez PDV-a.

#### Član 8.

##### (Izveštaj o postupku javne nabavke)

- 1) Ugovorni organ obavezan je Agenciji za javne nabavke BiH dostavljati izvještaje o provedenim postupku javne nabavke putem Direktnog sporazuma, na način i u rokovima koje utvrđuje Agencija za javne nabavke BiH podzakonskim

aktom, a koji sadrži bitne podatke koji su bili odlučujući za tok postupka i izbor ponuđača i to:

- podatke o ponuđačima kod kojih je provjeravana cijena,
- način provjeravanja cijene (telegrafski, elektronskom poštom, faksom ili na drugi način),
- osnovne elemente ponude kao što je cijena, način plaćanja rok i dinamika isporuke,
- druge podatke značajne za predmetnu nabavku.

(2) Nakon što Ugovorni organ dostavi izvještaj Agenciji za javne nabavke BiH, dužan je na svojoj internetskoj stranici, objaviti osnovne elemente ugovora za sve postupke javne nabavke, kao i sve izmjene ugovora do kojih dođe u toku realizacije ugovora, na način i u formi koji će podzakonskim aktom propisati Vijeće ministara BiH.

(3) Izvještaj se arhivira zajedno sa predmetnom dokumentacijom u skladu sa članom 76. Zakona.

#### Član 9.

(Završne odredbe)

1) Uz dokumente koji se dostavljaju Ugovornom organu na stranom jeziku mora biti priložen prevod na jednom od službenih jezika u Bosni i Hercegovini.

#### Član 10.

(Prestanak važenja)

1) Ovim Pravilnikom stavlja se van snage u cijelosti Pravilnik o postupku Direktnog sporazuma Općinskog suda u Sarajevu broj: 065-0-SU-09-004079 od 22.10.2009. godine.

#### Član 11.

(Stupanje na snagu)

1) Ovaj Pravilnik stupa na snagu prvog narednog dana od dana objavljivanja na oglasnoj ploči Suda, a objavit će se i na internetskoj stranici Suda.



PREDSJEDNICA SUDA

Janja Jovanović

*Janja Jovanović*

Ovaj Pravilnik objavljen je na oglasnoj ploči Suda dana 16.01.2015. godine.